

人物志

三代而下豈必誠全者名率其性之不一近古亦皎然不欺其志容可沒乎究所以能自成就與所以能自樹立亦當世得失之林也子輿氏稱尸惠之風足以興起百世下之人倘親炙尤有過焉者乃就其地表其人即未及親炙補有聞焉將必曰吾鄉有若而人者其芳名懿行櫛傳至今不朽吾何獨謝不敏耶

作人物志

寧陵縣志

卷之九 人物

名賢

以下二十五人俱崇祀鄉賢故提冠於前

漢田王孫文帝時人初受易於丁寬遂精其業授五經

博士沛郡施雠蘭陵孟喜瑯琊梁丘賀皆游其門雠

尤慕之自束髮師事王孫數十年喜好自稱譽得易

家候陰陽災變書詐言師田生且死時枕喜膝獨傳

喜諸儒以此耀之梁丘賀曰田生絕於前雠手中時

喜歸東海安得此事

田王孫易說以



如
禹漢書

葛龔字元甫和帝時
言多
烈夏

力過人安帝永初中舉孝廉為太官丞上更定四事
拜蕩陰令辟太尉府病不就後州舉茂才為臨汾令
居二縣皆有聲績著文賦碑誄書記凡二十篇

張遷字公方聰慧多才藝以郡吏數為從事藉藉著
能名除穀城長勤勸課恤罪人貴高年其下化之道
不拾遺黃巾之亂攻畧徧中原遷捍衛有方穀城獨
完中平三年以功拜蕩陰令吏民空邑送之依依不

靈陵縣志

卷之九 人物

二

能去因碑其政以繫遺思云

夏侯詵字長况母疾屢經危困詵衣不釋帶者二年

母憐其辛苦令出便寢息詵方假寐忽夢其父語之

曰汝母疾疢非凡藥可愈天帝矜汝至孝錫以仙

藥在居屋後桑枝上詵忽驚起如所言得藥進之母

病頓瘥永樂御製有曰母有疾而致其憂孝子之心

也至於感格神明賜以藥物而母病得愈者田其一

念之至誠焉夏侯詵之寢疾
詵於官不首數矣

詵作湯藥未嘗輒離

一已之

蓋其憂之之深也其母見之其言假也其情之可矜與既而夢父語以易藥之故其事甚異夫藥非從桑出也天也父不易格也神功假之以相告也此所之精誠潛孚夢寐所以得其藥與母服之卒使累歲痼疾一旦遂愈是豈偶然哉嗚呼若所之孝感信非他人之可及也

唐劉思立高宗時爲名御史於時河南北大旱詔選御史中丞崔謐等分道賑贍思立建言蠶務未畢而遣使巡撫所至不能無勞餞又賑給須立簿最稽出入

寧陵縣志

卷之九 人物

三

在返停滯妨廢且廣若驛處馬須預集以一馬勞數家今農事待雨與作輟日役破歲計本欲安存更煩擾之望且責州縣給貸須秋遣使便詔聽罷謐等行遷考功員外郎始議加明經帖進士雜文自思立始見唐書

劉憲字元度思立之子擢進士調河南尉累進左臺監察御史天授中奉詔按來俊臣罪憲疾其酷欲痛繩之反爲所構貶潯水令俊臣死召爲給事轉中書舍人坐善張易之出爲渝州刺史神龍十降太僕少

卿修國史兼修文館學士尋去初三遷太子詹事等
立宗在東宮雅意曠史憲啟曰殿下位副右有絕人
之才非以尋章摘句要通大意而已侍讀褚無量經
明行修耆年宿望宜數召問以察其言太子順納會
卒贈兗州都督有集三十帙

見唐書

五代劉熙古字義淳唐左僕射仁軌十一世孫祖寶進嘗
爲汝陰令熙古年十五通易詩書十九通春秋子史
避祖諱不舉進士後唐長興以三傳舉時翰林學士
和凝掌貢舉熙古獻春秋極論二篇演論三篇凝甚

寧陵縣志

卷之九 人物

四

嘉賞召與進士試擢第遂館於門下清泰中驍將孫鐸
以戰勝授金州防禦使表熙古爲從事晉天福初鐸
移汝州又辟以隨熙古善騎射一日有鶚集戟門槐
樹高八尺鐸惡之投以瓦石不去熙古引弓一發貫
鶚於樹鐸喜令母拔矢以旌其能後二歲鐸卒仕漢
爲盧氏令周廣順中改亳州防禦推官歷澶州支使
秦鳳平以爲秦州觀察判官宋太祖領爲節度判官
卽位召爲左右諫議大夫轉兵部侍郎徙知成都府
六年就拜端明殿學士丁母憂開寶五年詔以本官

叅知政事選名馬銀鞍以賜及餘以足疾求解拜
部尙書致仕九年卒年七十四贈右僕射與熙古兼通
陰陽象緯之術作六子釋卦序例一卷性淳謹雖貴
顯不改寒素歷官十八登朝三十餘年未嘗有過嘗
集古今事迹爲歷代紀要頗精小學作切韻拾玉二
篇子蒙正蒙叟

見五代史

劉蒙正字願正善騎射乾德中以父熙古廕補殿直
遷供奉官王師征江南命乘傳軍中事承事盧絳以
舟師來援潤州蒙正白部署丁德裕請分精甲百人

寧陵縣志

卷之九

人物

五

出與絳戰矢中左脅戰愈力及下潤州獲知州劉澄
監軍崔亮部送闕下嶺南陸運香藥入京詔蒙正往
規畫蒙正請自廣韶江泝流至南雄由大庾嶺步運
至南安軍凡三鋪鋪給卒三十人復由水路輸送又
掌朝服法物庫會重製繡衣鹵簿多其規式太平興
國四年轉內藏庫副使進崇義使創內藏庫卽詔蒙
正典領凡二十餘年真宗初改如京使出知滄冀磁
三州戎人犯境蒙正調丁男乘城固守有勞未幾以
擅乘驛馬責授亳州團練副使咸平四年卒七十一

劉蒙叟字道民乾德中狀元久第歷岳宿二州相
以所知論薦授太子中允知乾興拜監察御史徙知
濟州俄以秦王子德恭判州事就命爲通判移事皆
決於蒙叟遷右補闕轉起居舍人戶部鹽鐵判官再
遷屯田郎中歷知廬濠滁汝四州遷都官咸平中上
疏曰陛下已周諒陰方勤萬務望崇儉德守前規無
自矜能無作奢縱厚三軍之賜輕萬姓之徭使化育
被於生靈聲教加於中外且萬國已觀其始惟陛下
慎守其終思鮮克之言戒性習之漸則天下幸甚上

嘉之以本官直史館車駕北巡令知中官名表獻守
都賦述國家受命建號之地宜建都立宗廟時雖未
遑後卒從之會詔直史館各獻舊文以蒙叟所著爲
嘉改職方郎中景德中以足疾拜太常少卿致仕卒
年七十三所著有五運甲子編年曆三卷子宗弼宗
誨皆進士及第 俱見宋史

宋程迥字可久家於沙隨靖康之亂徙紹興之餘姚年
十五丁內外艱孤貧飄泊無以自振二十餘始知讀
書時亂甫定西北士大夫多在錢塘迥得以孝德聞

業焉登隆興元年進士第歷湯州泰興尉訓武郎楊
大烈有田千頃死而妻女存俄有訟其妻非正室者
官沒其貲且追十五年所入租部使者以誘迥迥曰
大烈死貲產當歸其女女死當歸所生母可也調饒
州德興丞盜入縣民齊刳家平素所不快者胃絳逮
獄州屬迥決禁囚辯其寃者縱遣之刳訟不已會獲
盜寧國刳猶訟還所縱之人迥曰盜旣獲矣再令追
捕或死於道路使其骨肉何依豈審寃之道哉唐肅
宗時縣有程氏其父兄爲盜所殺因掠女去隱忍十
餘年手刃盡誅其黨剗其肝心以祭其父兄迥取春
秋復讐之義頌之曰大而得其正者也表之曰英孝
程烈女民饑府檄有愬閉糴及糴與商賈者迥卽論
報之曰力田之人細米每斗錢九十五文逼於賦稅
是以出糴非上戶也縣境不出貨寶苟不與外人交
易輸官之錢何由而得今強者群聚脅持取錢毆傷
人者甚衆民不敢入市坐致缺食申論再三見從乃
已縣大水亡稻麥郡蠲租稅存簿迥白於府曰是驅
民流徙耳賦不可得徒存欠籍乃悉蠲之郡僚猶曰

渡江後來未嘗全放恐戶部不從迥乃論之唐人損
七則租庸調俱免今損十矣夏稅役錢不免是猶用
其二也不可謂寬議乃息境內有婦人傭身紡績春
簸以養其姑姑感婦孝每受食卽以手加額仰天而
祝之其子爲人牧羊亦乾飯以餉祖母迥廉得之爲
記其事白於郡郡給以錢粟調信州上饒縣歲納租
數萬石舊法加倍又取斛面米迥力止絕之嘗曰令
與吏服食者皆此邦之民膏血也曾不是思而橫歛
虐民鬼神其無知乎州郡督索經總錢甚急迥曰斯

錢古之除陌之類今其數乃三倍正賦民何以堪反
復言之當路奉祠寓居番陽之蕭寺程祥者從伯父
待制昌禹來居番陽昌禹死遂失所依祥繼亡祥妻
度氏猶質賣奩具以撫育幼子久之罄竭瀕死隣家
皆莫識其面有欲醮之者度曰吾兒幼若事他人使
母不得撫子豈不負良人乎終辭焉或爲迥言其事
迥走告於郡守月給之錢粟迥居官臨之以莊政寬
而明令簡而信綏強撫弱導以恩義積年讐訟一語
解去猾吏姦民皆以感激久而悛悔欺詐以格服則

賓禮賢士從容盡歡其子弟之秀者與之均禮爲之
陳說詩書質疑問難者不問蚤暮勢位不得以交私
祠廟非祀典不謁隱德潛善無問幽明皆表而出之
以厲風俗或周其窮阨俾全節行聽夾獄訟斯於明
允凡上所未悉者必再三抗辯不少阿奉貴溪民僞
作吳漸名誣愬縣令石邦彥迥言匿名書不當受轉
運使不謂然遂與大獄坐死者十有四人及聞省寺
訖報如迥言迥嘗授經學於崑山王葆嘉禾聞人茂
德嚴陵喻樛所著有玉泉講學古易考古易章句古

占法易傳外編春秋傳顯微例目論語傳孟子章句
文史評經史說諸論辯太立補贊戶口田制貢賦書
乾道賑濟錄醫經正本書條具乾道新書度量權三
器圖義四聲韻淳熙雜志南齊小集卒於官朝奉郎
朱熹以書告迥子絢曰敬惟先德博聞至行追配古
人釋經訂史開悟後學當世之務又所通該非獨章
句之儒而已曾不得一試而奄棄盛時此有志之士
所爲悼歎咨嗟而不能已者然著書滿家足以傳世
是亦足以不朽子絢孫仲熊亦有名

范仲淹本蘇州人少孤母適長山朱氏公隨就育及長讀書應天因家計於寧陵其異父兄弟朱某者多在寧陵後公貴以其田贍之故與朱氏書每言及焉且幼固以朱爲氏也年二十九遷文林郎權集慶軍節度推官始復范姓

明喬恕字希仁號萬竹以詩經中式弘治庚戌科進士授山西平陸縣知縣調南直婺源縣知縣陞監察御史壽寧侯家奴犯罪人莫敢問恕訊之直抵於法時闕官劉瑾專權恕疏劾調謫邳州判官瑾敗尋起用

寧陵縣志

卷之九 人物

十

補湖廣布政司叅議歷官太僕寺卿卒於家其居官錚錚槩如此

呂坤字叔簡號新吾嘉議大夫刑部左侍郎先世雒陽人始祖雒來公當太祖師次雒有軍功御札誤書姓李徙寧因之坤乃六世孫六歲從里師學讀論語首篇問六信字同異入梵宇客有索對者曰泥土地坤應聲曰鐵金剛自幼穎異類如此年十二就試邑侯疑其文不出已覆試以放告二字爲題坤破云君

明大意不必尋章摘句泥訓詁家言年十五讀史讀
性理諸書欣然有會作夜氣鈔招良心詩年二十舉
茂才第一每試輒冠軍食餼嘉靖辛酉以詩經舉鄉
試第三名隆慶辛未年前期當會試時母病卧床坤
日夜侍側衣不解帶嘗藥嘗糞憂勤畢集一日母謂
坤曰昔當會試汝父卒誤汝一次今我病自忖無事
汝速行坤陽應行隱別處料理湯藥母忽聞坤聲大
怒不食召坤責曰何欺我坤泣跪告母曰功名事小

寧陵縣志

卷之九

人物

七

母病未痊兒焉忍去母撫坤背慰曰我欲見汝成進
士死且瞑目汝行勿負我望母更日加食不得已辭
母行時已正月廿六日矣即日就道疾趨於二月初
五日到京場畢卽於十六日束裝於廿七日抵家而
母已亡計先後場屋往還僅三十日坤非急功名而
後母者可槩見也捷至坤撫棺長號曰進士何物人
以唾手得而我以母死換乎號泣而絕粒者七晝夜
居喪骨立人罕見面萬曆甲戌對策同進士授山西
襄垣令明年乙亥調大同襄垣劇治尙嚴明大同貧

治尙撫字大槩惟主於培植桑良裁抑豪橫去褻之
日大雪續紛士子衣冠走泥淖中途行二五十里有塵
之不返者又有再越宿復送者百姓頂香攀轅羅拜
繪像以進者婦女叩門內號哭失聲者小兒匍匐道
旁叩頭不已者僚儕祖餞樂人奏樂流泣哽咽伏仰
不能成曲者嗟嗟民愚而神豈無故而云然哉先是
襄垣土豪某被坤大創幾斃後數日追至南關驛坤
疑有它豪曰某向不知有法蒙明公創誨因知悔悟
今而後不復犯死法矣公實生我何憚遠將其恩信
寧陵縣志

卷之九 人物

三

入人之深如此知大同有隣邑山陰大紳王家屏幼
夫王某者犯人命坐抵家屏以大宗伯居憂服闋赴
京應補冢宰遇大同向坤言王某事坤荅曰獄已成
不可反家屏任吏部郎向僚友曰天下第一不受囑
託者無如夫同令矣特疏薦坤戊寅陞吏部主事誥
贈父得勝同已職建坊奏復原姓呂報可故事新曹
尙卑伏緘默坤獨擘擘在部十年七轉郎署公長每
優容之未嘗爲罪舊例一省無兩吏部同邑黃某先
補銓曹值年例外轉時有藉以嫉坤者朝議欲劾行

嫉之人某坤代爲伸辯行嫉者大慚懼暮夜走謝是年戊子陞山東叅政履任日卽飭風憲崇文教恤孤寡伸武備禁邪黨各處立社學以端蒙養創冬生院以恤殘疾實心實政齊東大治境內泰山乃海內香火走集奸民僞爲山神搜盤及捏報應諸醜狀惑衆懾詐人財物坤發覺其假狂妄頓息山有險峰峻嶺愚民名爲試心石捨身臺多致殞命坤盡杜絕之又開鑿新盤以分往還全活者衆任二年己丑陞山西按察使任二年辛卯陞陝西右布政任半年壬辰陞

巡撫山西右僉都御史任一年半宦遊秦晉五六年間正己率屬身體力行不受餽遺不取贖羨不妄薦以官不枉劾以職官吏肅清興文飭武民安物阜邊境晏如尤諄諄留心於蒙養教化孤寡無依之民所著有實政錄仕宦資爲模楷知天下將春春多事每嚴邊防嘗親蒞巡查回之日有郡藩某來謁者曰老先生紆日防賊不知賊在那裏坤荅曰使殿下必欲見賊今日不得在此坐某怵然無以對異日晉藩使長史謝罪戒來謁者其在晉也愛土民如子弟視貪

官如仇讐所刻有風憲約民務各欵言言見諸施行
三晉熙然稱治迨三十年如一日迄今有成法不廢
者萬曆癸巳陞協理院事左僉都御史明年甲午陞
刑部右侍郎尋轉左在京四年與董范之議朝鮮之
議石門之議堅守一說屹屹不爲動啣之者中以奇
禍舉朝爲危坤一稟天日不懲始念給諫戴士衡疏
論給諫劉道亨救之坤不辯引疾乞休疏凡五上不
加譴責許致仕歸家居杜門謝客惟遇通邑大事輒
身先不爲衆論所奪如修城力主其議見城池志如

地畝錢糧差徭多所調停見賦役志雖日懷社稷蒼
生之憂滿朝推戴但不肯枉道求合有客自京師來
者爲要津某致書云葉臺山相公嘗於上前屢薦當
致謝坤回書云宰相爲國薦賢公也非私也若作字
致謝是以謝爲求矣百吹噓一言不謝乃所以成宰
相爲國之心不然宰相之門豈少感誦之書哉其孤
介峭直類如此又一日有中貴某乃上寵幸者差官
賚書併束帛朱提來不知所求闡者以白坤曰大臣
交結內侍律有明禁况素未識面不便應荅原函璧

回其守正不阿又如此家居二十年自奉嘗約門無
長衣不置生人產不改造門第阿堵玩好一切屏絕
山人術士一切不到惟日與遠近門弟子講論身心
性命之旨以體認爲工夫以修齊爲事業以繼往開
來爲己任千里負笈來學咸稱爲沙隨夫子奉先人
天理二字於膺堂置懷德懷刑屏省心記身箴叅前
倚衡吟天我篇理欲生長圖衰盛循環圖交泰韻陰
符經註小兒語無如宗約歌閨範家禮疑家禮翼奏
疏去僞齋文集諸書行於世年八十三歲卒於家撫

按疏報奉旨誥贈刑部尙書諭祭一壇諭墓於縣西
北離城十二里之鞋城村見陵墓志臨終作反輓歌
自餞自譏誌銘見藝文志子知思例廕入監官至南
京戶部郎中見恩典志萬曆四十八年入祀鄉賢見
鄉賢志邑人建祠尸祝見祠祀志

苗文英號樂菴與呂司寇同領嘉靖辛酉科鄉試因
母病失明不忍少離定省遂矢志不仕家居歲一履
公庭拜祝而已不以事干邑侯也呂司寇講身心性
命之學每從樂菴有所領會故遂借去僞二字以名

其齋後萬曆年間御史旌其門曰靖節高風誠不誣
云

王印字世昌號裕武萬曆戊子科以春秋中解元登
己丑進士選翰林院庶吉士歷陞刑科都給事中因
浙江巡按彭應參與豪紳董范有隙被逮印抗疏救
之其畧曰竊惟國家故事凡不道不法重大急繁事
務間差官校拏解以彰不測之威其餘不過付所司
擬議而已臣等叅詳吳氏之兩疏兼訪浙中之公論
而嘆服我后明見也但事必覈實然後可以定罪法

必持平然後可以服人查據二臣所犯事蹟俱在彼
中若不行勘法司無據以議罪二臣有死而不服况
按臣奉簡書以代天子者省方厥任匪輕所關甚大
在按臣固不宜倚勢以作威在明主當假權以行法
就使彭應參有罪皇上俟勘明而加責可也卽不然
褫其職以候勘亦可也遽以部民之臆詞而繫之纍
纍道途使遠方士庶共相指目曰此天子所使持斧
衣繡臨制我者而一旦亦可以爲徒隸也母乃不足
以明威重而非朝廷置吏彈壓一方之意乎疏入神

宗震怒謫亳州判官六科十三道疏救革職爲民萬曆丁巳卒於家年五十八歲太昌元年子無逸拔貢生赴闕請卹誥贈太僕寺少卿中憲大夫天啟癸亥入祀鄉賢

喬進璠字瑟如號鳴埤登萬曆癸卯賢書甲辰成進士授刑部貴州清吏司主事有林恭疑獄累年不決進璠片言折服釋罪誤多人群犯感泣執金吾李恃勢殺人同曹皆愛聲援莫肯窮詰進璠繩以法卒如三章之約奉差關西解帑金有羨餘百金有奇不取

寧陵縣志

卷之九 人物

七

終封貯而還出守安慶起彫劫鋤豪強清馬政禁漁利正士習爲國儲賢而劉若宰陳九一等皆在培渥中留皖四載皖人德而祀之報最遷陝西按察司副使整飭漢差兵備兼撫民屯分巡關南道事務靖土寇高尚千等獻俘延安而漢中以寧申循吏李良練之誣阻惡宦李喬岱之計雪廉令左立功之冤政績炳如陞四川叅政未任致仕歸里先是進璠之在秋曹也名震京師有中貴王炫養者雅慕之欲與交進璠謝之不爲通在安慶有貴宦之弟魚肉平民事敗

請託百出求寬狂狴輸金自贖終弗許其秉公守法
不阿權貴大率類此家居二十餘年屢薦不起日從
新吾先生講學間入關請益於少虛馮先生其行誼
學問的有淵源篤貧宗各給田里周親黨不吝粟帛
歲輸二千石煮粥待饑衣五百納裝綿濟寒以爲常
不惟寧人啣恩豎碑而商考兩邑亦頌德鐫石曰德
冠中州惜夫生平著述俱遭兵燹僅餘理學畧言淑
身八則淑世八則藏於家

國朝呂慎多字臧之號蓮舟大司寇新吾先生之孫戶部
寧陵縣志

卷之九 人物

六

郎中知思之子也性淳謹躬孝弟嘗以德行著稱費
序間庚午薦賢書丙戌成進士筮任湖廣德安府推
官祥刑明允僚屬肅憚戊子分校省闈得曹本榮等
五人皆一時名士人服其鑿直指聶山右人也以私
憾中傷一縣尹授指於多多不應出語人曰殺人以
媚人吾不爲也因此啣恨遂掛彈章及事白乃陞刑
部浙江司主政繼陟江南司員外郎聽斷一秉至公
有張釋之于定國之風焉大司寇每倚重之三載秋
曹歸來爰賦優游字丁者二十餘年郡邑薦賓進者

二十有二鍵關嗜古手不停卷生平著述頗富才
剖劂至恤抵拯難義施捐金猶細事也里人德之爲
製萬人屏頌焉年八十無疾歿里人慕義感德迄今
猶稱道不置云

呂真知字思男號裔陽大司寇新吾公之從姪孫也
幼負大志倜儻不羈年甫冠補邑庠博士弟子員屢
試棘闈弗售僅以歲薦終識者惜之初任寶豐訓導
繼陞鄆城教諭再陞汝寧府教授三任秉鐸崇經術
嚴考課躬行表率士習爲之不變有胡瑗分齋治事

寧陵縣志

卷之九 人物

九

之風焉迄今崇祀名宦皆有實迹可據云及致仕歸
里當崇禎壬午春闖寇犯城人皆逃竄知同本縣儒
學訓導岳民庇糾衆修陴束牲洒酒共誓曰城存與
存城亡與亡雖時勢已迫猶死守如初力不能支城
破被執抵死不屈賊嘉其義釋之真知志不苟免泣
拜於先祠投繯自盡順治十二年奉 部咨查節孝
闔邑士民公舉 三院詳批 是十六年 撫院賈
給扁旌揚額曰忠孝全節康熙四年學憲張采訪節
義士民復具詞公舉五年批准崇祀鄉賢

王應登字盈寰由歲貢授商水縣訓導值寇至誓身
守城城陷力竭巷戰身死闔學呈允康熙五年崇祀
鄉賢

翟三策字獻明世居寧陵之西北邏崗集生平廉隅
自飭言動不苟不但足跡不履公庭亦交遊罕至城
市閉戶讀書汲引後學舉業一本純正不肯苟逢時
趨故屢試場屋輒以平易見擯僅以增廣終不易志
也崇禎末年土寇蜂起避亂城中時寇勢猖獗所在
城陷其及門力勸出奔策堅不從止許與一子偕往

寧陵縣志

卷之九

人物

三

城破之日慷慨悲歎遂投文廟內井中死之署事考
城知縣楊起元扁其門曰正氣凜然又聯云取義在
宮墻生則從君死則從師大節千百年凜凜殺身爲
名教忠聞於朝聲聞於野徽稱億萬載轟轟

盧宗泰幼攻舉子業聞呂新吾先生講學慨然有求
道之志北面執贄棄制藝潛心於六經持躬方正不
阿壬午午流寇袁時中寇寧宗泰先城守破垣毀壁輸
磚萬餘於城以禦寇又出倉粟數十石以鼓義勇邑
得以無虞後李自成入豫所在不守人見其猖獗有

諷以去者則正色曉以大義及漸逼寧陵震動空
而逃宗泰率一老僕登陴猶期城守見城中杳無人
跡回家仰天長歎入寢拜先人三拜畢卽欲自盡老
僕泣守不去因不死賊亦不卽至不得已抱主走南
村賊奄至毆之尋糧不應以白刃相逼大叱之賊怒
縛於樹罵不絕口立射殺之識者皆言此老倔强到
底一若猶有恨焉嗚呼宗泰於傾覆流離之際毅然
不屈以常山之舌禦橫暴之寇言之凜凜有生氣抑
何烈也亦可以知所學矣順治十二年蒙 三院會

寧陵縣志

卷之九

人物

三

題祀鄉賢

劉景世字世之呂司寇門人劉言謹仲子也寡言笑
縈修自好壬午城陷奉母張氏避難箭幹村賊至不
肯棄母去四月初九日遂遇害無嗣止一女適邑庠
郭扞亦早亡於康熙五年間闈學公舉督學道張
詳請批准入鄉賢

符希字泰岩秉性忠直於流寇犯寧之日奮不顧
身罵賊而殞後邑令葉懋楠查實請於康熙伍年崇

祀鄉賢

李學恕字推已歲貢李文蘭之子性至孝尙氣
讀史至顏常山罵安祿輒拍案曰此真鐵中錚錚人
中皎皎者乎方爲不負所學仁平志意類如此萬曆
間呂司寇修邑城奉文以儒官給冠帶捐資助餉勤
力重修崇禎十五年三月內流寇東犯城陷恕矢志
效死罵賊不屈遂遇害於順治年間闔學具呈蒙
三院會題下有司旌其門曰節昭白屋行提學道准
祀鄉賢

曹有謨因流寇破城心懷忠義抗志不屈仰天長號

寧陵縣志

卷之九 人物

三

北向稽首投井身死妻張氏見夫下誓不獨生亦投
井而死

王無逸字敬予號耐園太僕公長子也爲人剛方嚴
峻雖燕闔私處正襟危坐凝然終日崇禎丁丑由拔
貢筮仕白水立明德書院課士講學人文蔚起更脫
私囊買牛闢荒大修城隍門樓巍然表吏畏民悅
一邑入治時值庚辰關中赤地千里黃龍山小醜弄
兵夜半潛入城陷無逸公服坐堂上賊跪而稽首
曉以大義責令解散不從因呵罵之曰明明天子威

令不遠將寸磔汝且赤汝族寧不畏法竟激烈
死無逸死之前一月天子廉其治狀已遷杭州郡司
馬時道路梗塞命未達而已足異變白水士民追思
不已申請督撫俎豆名宦其節槩忠烈詳載白水志
范廷議字明著弘治甲子以詩經中式授刑部司務
陞刑部員外郎後遷四川夔州府知府未之任其友
呂涇野先生自滁還道過寧陵寓廷儀家獨久時寧
邑河患潰決涇野見廷儀率士民具呈兩院爲一邑
萬姓請命極陳河水爲害言甚悽慘心竊義之及相
別登舟廷儀亦將之官請一言以爲治夔之要涇野
執其手曰夔州行領十餘縣願愛之亦如寧陵爾廷
儀頓首謝曰不敢忘也子輿氏云觀近臣以其所爲
主例斯以觀雖其子孫式微無從讀其家乘碑銘與
夫語言行事之詳盡識其芳躅可卜爲有道君子矣
事見涇野先生語錄涇野諱柟關西理學名賢明志
載范公畫省分謨坊在西街八無跡可考
王獻圖字懷雲生而穎異軼倫年十五卽補邑庠第
子員十八領嘉靖己酉鄉薦庚戌成進士授兵

事留心樞務凡邊塞險阨將卒勇怯皆熟知之
馬倚重焉轉刑部員外尋陞郎中凡論斷囚獄務期
平允當時槐庭栢府嘖嘖稱其明決朝廷廉其才備
兵陝西時西陲用兵乃蒐士卒立保五申法令剿巨
寇而境以大寧值分宜柄國素啣之將謀中傷遂掛
冠歸日與二三同志染翰賦詩徜徉林壑間意恬如
也且輕財貨歲稔里中待以舉火者數百家尤篤於
族人婚姻喪祭必周焉嗣是相嵩父子益橫傾朝中
正人無虛日及貴溪容城咸枉死西市因而憤極繕
不能無遺憾焉

寧陵縣志

卷之九

人物

五

疏往論之仗劍渡河朔北風旅館長夜淒涼染病遂
不起家人扶輿抵家而卒一腔忠憤未獲展舒君子
郭佳印字如仲號夔一先世東明人明初徙寧陵爲
人和易有容不修苛節與人無少長悉款洽及大節
所關又侃侃特立不肯隨時變易弱冠能文章有聲
豐序間以特恩膺里選後與二與從父浩同登賢書
丁丑成進士筮仕深州刺史因忤中貴落職久之補
潤城幕僚旋攝無錫篆不苟不縱人嘗畏威而懷惠

銓部擢知睢寧將仕任錫之百姓方倚以爲命
河干奪輿而歸竟赴闕位留遂不得去未幾改授無
爲軍百姓攀轅號泣之狀一如赴睢寧時會督撫亦
上章言吳民治其治朝廷如其請遂實授無錫令錫
之漕白糧久爲吏胥所侵尅以致前任數令皆因是
謫官察其弊悉置之法人人稱快治錫僅一年善政
不可枚舉後陞兵部職方司主事時風鶴告警錫民
愈不願其去詣京泣留命以部銜理邑務不數月轉
常州郡守乃以理邑者理郡郡又稱治後大兵南渡
江淮悉歸版圖遂掛冠歸歸而日侍封公側不出戶庭
者六載迨封公捐館舍哀毀骨立過慟致疾遂以此
終焉

寧陵縣志

卷之九

人物

五

國朝李長恂字湛源順治三年以明經貢於鄉賦性孝友
天懷亢爽正身率物行無詭隨至於經傳子史博洽
淹貫文名籍籍一時順治八年除授章德府林縣訓
導十一年陞南陽府葉縣教諭康熙四年裁缺至九
年補汝寧府上蔡縣教諭三蒞鱣堂有林彙課士錄
龍臺倡和六社瑤函諸集人咸推多士楷模年老乞

休歸里兩汰鄉飲正賓閉戶授徒不預外事壽十一
九卒於家南陽司理薦云堪爲士型足作民牧分守
汝南道薦云立教有方士材觀感淡薄自守風俗丕
變立身居官之槩如此

張禹謨字緒禹號衷亮通經術識大義爲諸生時已
爲邑中所倚重乙酉以書經舉於鄉己丑成進士觀
政歸卽舉司寇呂公良法陳於令招募十排除簽點
陋規條陳驛站革養馬諸弊政聞已稱便庚寅授米
脂令衆皆難之以米脂爲逆關巢穴且近邊陲荒僻

寧陵縣志

卷之九 人物

五

難理禹謨笑曰不過盤根錯節不足以別利器况爲
我三世祖崑公官遊其地遂命駕西行入其境荆榛
塞路狐兔穴城民窮不備下戶禹謨設法贍濟招集
流亡綏定殘黎或其人不懈勞勩踰歲荒僻小邑
竟成熙穰樂土三載報長立撫軍薦疏悉其政績實
錄疏曰此一官者黎已愛民流移悉復故土立社課
士儒生頓有起色息訟而囹圄一空催科而撫字倍
勤肅清衙役禁革行戶設貸臨貧城野免饑饉之悲
多方安驛皇華無斷絕之患轉輸克裕軍需開墾尤

善招徠疏入遷鞏昌府興屯同知及去米脂邑人皆
焚香遠送哽咽不能語禹謨慰諭之去至鞏甫下車
卽條陳屯事六宜曰招地主安流民清軍餘定賦式
收人望獎賢吏屯道郭深嘉納之著爲令不意二日
忽病三日疾革鞏守親臨檢視旁守一僕行笥中止
有銀兩餘錢五百敝衣數襲而已撫道嘉其清苦准
給勘合乘傳搬覩歸里噫若禹謨者出處皆有實政
誠無媿鄉之賢者矣

王培字益仲又號黃干黃干者公初爲汴東人志始

重刻寧陵縣志

卷之九 人物

三

生也公代有隱德會世亂屢播遷而至宋之甯陵是
爲甯人公生八歲而孤其在甯也實依母張太孺人
太孺人命從塾師翟先生學甫一歲熟四子書五經
凡八週偶病卧同舍生所誦書皆默識弗遺諸子史
百家目下輒數行曉大義爲文卽效之始學八比卽
洋洋河漢翟先生奇之然弗能量之也楊生者予老
友也嘗爲予言見其就塾時日讀書八種蓋天授矣
故時號爲神童未幾翟先生南歸公復從至柘先生
歿公無依育于張氏遂以張姓補柘博士弟子員試

輒冠士文洸濟奇恣老生耆儒咸咋舌不知公之隨地湧珠璣也羅欽瞻侍御賞其文至許以金華殿中客丙戌中本省鄉試副車戊子旋登賢書公之南也是時太孺人猶在甯世益亂寇交訐靡爲通比歸省而太孺人已歿公呼天嘔血眊不知人遂邁疾會有某翁者授奇方得瘥人謂神憫其孝也登賢書後益肆力經史凡天人性命之微古今得失之變人材賢否之林以及天文律歷詩賦籀篆與

本朝典則書契無不精研析疑抉奧如所著史誤諸書闡

重刻甯陵縣志

卷之九 人物

三

前古未發不徒強記也然公性尤忠孝好讀離騷經孝經每于君親之故可喜可愕者輒低徊慨息不已憶在城東隅與共晨夕風雨燠寒或眦裂髮指或歌哭長嘯旁引一樽讀讀竟還飲潦倒參橫斗移之際以爲恒人或訝爲狂惟予知其天性勃鬱激發有如是也兩上春官不第一日泣然曰吾奈何泯沒吾親乎趨至都詣宗伯請復姓補制宗伯曰嘻例也然未有補制者嘻孝哉

奏入得請因署牘曰孝思篤摯不愧孝廉以風倫常云

服闋入闈爲清漢十四藝夙所學也言官劾其違例
世祖章皇帝 召試大奇之會且大用格于部議而止然公
之才之氣固卓絕矣公純孝絕人曩者太孺人殯甯
時時多故未及成禮至是得

旨改葬泣血哀毀如曩時禮儀孔都會葬者車數百乘皆
嘆息涕下去公前育于張至是張君已逝公卹其子
及家久而靡斃所謂翟先生者歿久矣公爲經理田
宅其子老而無子公爲娶妾生二子姊夫吳君來歸
公分田授宅逮其子若孫皆公錫類也公慷慨負氣

重刻寧陵縣志

卷之九 人物

三

節敦然諾遇事風生目炯炯如曙星有不平或值人
急難輒雷迅風颺馳赴之所謂始若落落難合後事
竟成者然明白剴易人有寸長卽虛懷獎掖之如弗
及與之遊嗒焉失又油油然自得也讀書不事章句
饒經濟知經權凡古今諸大事設身籌畫出其特識
往往在史冊所傳之上而要皆能引經合道知所挾
持素矣往者假旋里居嘗與予質衛君待子爲政一
章究折衷于王文成公之議其心力類如是邑有利
弊請諸邑令如禦寇之方濬渠之利皆排眾議獨任

之卒底于成又性剛正不與時俛仰既連不得志于禮闈就國學教習訓兩旗子弟故事教習者恒爲生徒所媒侮或有問難不能應輒詆嗤之公嚴師範有問卽響答日入學舍說書數百條亶亶無滯義人人懾服有不率教者夏楚之無間言旗制每生百人教習五之至是百人者皆質疑析異于公欣欣意得無虛疑矣嗣以孝廉揀選授直隸新河縣令公捧檄曰是在行所學耳奚甲第庸也抵新見前羅邪教之變城陷廬焚民瘠而悍曰是不可法繩也在端本以化

重刻寧陵縣志

卷之九

人物

三

之首註孝經頒行立義學百二十餘所學者千餘人躬董課之評隲其所爲文琅琅絃誦聲相接連翩兩闡聞新邑不登科者三十年不登第者百餘年所矣至是始颺起又取司寇呂公所著小兒語宗約歌闡誠好人歌爲四小書令民愚不諳文者及童卯熟之以易曉也不期年禮讓皞皞然往予過新郊見豐碑奕廩則所紀載學田及塾師籍數又皆公悉心經理泐諸永遠者也其文翁蜀江之化乎催科不聞敲朴輸納者皆于廳事無錙銖羨饒有則返之吏白曰例

也公叱曰剝民耳亦有例乎吏懾而退自輸名紀數
而外印票箕斂之弊一絕聽訟畫木爲人使就鞠村
落嬉嬉聞雞犬聲不見胥隸也折獄片言卽上檄亦
必三日報民朝入城夕返舍不裹一糧攜一錢公旣
苞苴不行請託不預借夤緣爲姦飲食漁利者無容
足矣鄰邑質成者咸樂就新以故新訟少而聽斷他
郡邑者獨多然公用法平恕不阿上官意讞成上官
或時不懌久而喜曰賢哉新令是也宰相與懼然無
間至屢檄獎借之其秉正無回又如此各村舍設義

倉二十餘所歷年積穀六千餘石皆公倡勸之非以
例輸將者也推新陳謹閉藏慎筦鑄可十年凶祲無
患又民有小過令輸野蔬瓜芋之屬以代笞人或訝
爲猥瑣至歲饑取以佐穀民旣賴以全活而歲省穀
數百十斛然後服公之仁人遠算爲不可及歲大水
漳盜間波瀾淼然公率眾塞之會某村水先至田廬
蕩然災矣雅不欲爲人代瘖苦也公亟斥笞之塞益
力災者懟比水平復其租賑之穀災者輒又大喜而
南甯之北處下流者萬餘人咸匍匐公堂稽首曰微

公吾其魚矣相率裂帛懸木于公署而去雲旗飄搖
過者爲嘉嘆云先是新邑有剽竊者胥篋探囊漸成
赤丸公釐保甲嚴巡緝密爲籍以識夜出不歸者按
而治之曰爾何往爾卽不盜而棄田廬而遊手罪也
笞之人儆其神而無捕治之勞新邑城郭官廨半圯
吏請治之意以營私也公曰諾城以衛吾民也倉庫
以積貯也先之學宮前聖賢所依庇以作人也神祠
佑吾民也亦先之弁兵治盜也養濟恤災獨也次之
至吾舍不風雨足矣毋亟然往者公行郊坰見隙地

重刻寧陵縣志

卷之九 人物

三

蔓生蒿荆曰勿剪拜迨民有應笞者貫之使刈刈薪
山邱以給陶者易其罇埴又罰有過者役三日二日
有差又不卽役之也籍而記之得役千百日民臆之
曰公其欲供炊爨築室苑乎不以煩吾民也善矣至
是百度並新陶者供陶役者供役不數月巍如奘如
而民未損一錢一粟一粒由斯術也可以裕國帑可
以治軍旅矣境有瞽者公見而惻然曰與爲丐毋甯
有所用之也註

上諭十六則而弦歌之參以呂新吾先生小兒語爲律韻

若度曲然月給瞽者以粟令肄習習既成鏗鏘有節
奏徧弦歌于村墟阡陌之間童者婦子聽之咸感悅
而矇瞍者以月得粟也業益工而歌益勤久之學士
大夫亦相與兢聽之而霑霑涕勃勃然感且興其桀
不馴者交愧悔詣公求改過公以其維新也復題其
門以旌之風勵捷于道人民貧無以婚葬者周之俾
各遂體

朝廷行王政也然公爲治雖備舉尤重文章好古嗜奇新
河布衣宋鵝池先生者明嘉隆間才子也晚老子江

重刻寧陵縣志

卷之九 人物

三

陵之鵝池因號鵝池蓋鵝池之湮沒久矣公嘉其遺
集亟梓之豎片石于故里酌之以文文旣燔有翩翩
飛而唳止于螭右者駕鵝二也觀者訝嘆公再拜曰
其先生之感數百年後有知己乎豢之署西顧安所
得池耶因濬古井得水三尺而涓涓而湛湛以澄泓
放鵝其上游斯泳斯若吟嘯若賡和酬畝公時把遺
文對誦于月白風清之下儼然晤高士也海內異之
詩歌成帙曰雙鵝集新河東郭有周彬故址彬元丞
相脫脫幼子也丞相歿避居此公表其里巖冬俯碑

上書字日曠更裘雪霰增裘竟日無倦不啻歐陽之
集古而北地風剛疾所由來矣公治新七年績最大
中丞格文清公署上考日以實心行實政大中丞于
公亦署上考日教養盡職嗚呼知公哉行取入都去
之日截鐙留鞭者以萬計遮道不得行自晨迨漏三
鼓才二十里耳提榼攜壺漿送者履錯公曰昔人去
官人取一錢吾今人取一卮也于是輒共醉已而共
泣送者復遮道左而東方已曙公曰無庸也公等且
休吾亦從此趨王程矣眾稍稍揮涕去猶有欷噓太

重刻寧陵縣志

卷之九

人物

三

息於郭門里巷之外者因共刻碑肖公像爲祠歲時
過者復低徊愴慕彌日不忍去至都

御試乾清門授戶部陝西清吏司主事旋遷本部山東清
吏司員外郎公職鹽筴多所釐剔入署治事入邸讀
書宴會車馬謁拜之繁落落弗與也同官服其才器
大司農深倚重之期以大用而公疾作益積漸者舊
矣遂請假歸歸里藥裹之餘猶日讀書爲詩歌慨焉
有登泰岱之想欲轉假與予共遊乃閱四月而歿歿
之日遠近知與不知聞公名者咸痛悼蓋公生平於

仕進生產財貨之故泊然不屑顧獨嗜書自爲諸生
以至服官凡燕閒患難歡愉逆順造次冗囂與夫舟
中輿上登山臨水之際一寓之於書日所掇拾蒐輯
片語隻句屏楹几牖皆滿如左思十年作賦時每篝
燈至雞鳴夜旦僮僕皆酣寢公朗吟益健卷不盡不
止精力殫矣記寢疾里門時猶觀書如故諸子輩咸
至孝懼勞公也爲匿書公愀然曰吾畢生爲學爲政
立德立言皆得力於書若令而翁束書此心何處安
著不但樂此不疲也於是索書彌亟子輩匿書亦彌

亟至不得則跌坐冥思又與古人相晤對訂質矣未
嘗一刻離載籍也且性穎慧凡所披閱歷數十年弗
遺忘病亟不自讀猶抽架上帙令兒輩補葺訂較曰
某卷某頁某行某字某年前吾所改定評註某墨書
某丹書今如故否也天授哉天授哉然卒以是遘疾
亡公著作宏富古文則綱目刊誤二十一史刊誤偶
存集歷代善政記詩賦則苦梁吟南遊草粵東吟西
遊律今是園集句詩清源十景詩皆行於世獨慰交
述集唐百餘首則欲以八千金爲其友營救而未遂

者事尤磊落

論曰予嘗讀屈平離騷至於天問未嘗不訝其誕譎恣睢至於不可紀極既又悲夫凡人抑菴阨塞之致求之人而不得其故則求之天其情然也予爲問王君之天矣以才若彼以德與學若此此所謂賢豪間者耶以之秉鈞軸握顯要其豎立當何如者顧位僅爲郎年未登耄天平謂之何哉然如君者聲稱行事固已在日月之表矣厥子濟濟咸克負荷以較庸庸席厚第恣焉無聞者久矣夫泥沙鴻羽視之矣是又

重刻寧陵縣志

卷之九

人物

三

未可輒量天也已 又曰士貴敦倫紀才抑末也王君之於君親師友何如乎無它誠而已中庸言天道而要歸於誠又奚怪其施設之闕肆也顧才亦未易言矣如君之華而實奇而正高而下人大而細小不遺者幾人哉吾獨悲其阨於少抑於壯未盡展敷於老平生憂愁之言多而懽愉之致少也然王君卽不困能靳其才不發皇乎噫王君固才士有才如君亦可以繩天下之言才者矣

柘城李方廣撰

武勇

東漢典 韋形貌魁梧膂力過人有志節任俠襄邑劉氏與睢陽李永爲讐韋爲報之永故富春長備衛甚謹韋乘車載雞酒僞爲候者門開懷匕首入殺永併殺其妻徐取車上刀戟步出永居近市一市盡駭追者數百莫敢近後屬夏侯惇數斬首有功拜司馬曹操奉詔倡義討呂布於濮陽布有別屯在濮陽西四十五里操夜襲比明破之未及還會布救兵至三面掉戰時布身自搏戰自旦至日昃數千人皆重衣鎧棄楯但持長矛撩戰四面又急韋進當之賊弓弩亂

發矢至如雨韋不視謂等人曰賊來十步乃白之等人曰十步矣又曰五步乃白等人懼疾言賊至矣韋手持十餘戟大呼起所抵無不應手倒者布眾退會日暮操乃引去拜爲都尉引置左右將親兵數百人常繞帳下韋旣壯武其所將皆選卒每戰鬪常先登陷陣遷爲校尉韋好持大雙戟與長戟刀等軍中爲之語曰帳下壯士有典君提一雙戟八十勛操征荊州至宛張繡迎降操甚悅延繡及其將帥置酒高會操行酒韋持大斧立後刃徑尺操所至之前韋輒舉

斧目之竟酒繡及其將帥莫敢仰視後十餘日繡反
襲操出戰不利輕騎引去韋戰於門中賊不得入兵
遂散從他門並入時韋校尙有十餘人皆殊死戰無
不一以當百賊前後至稍多韋以長戟左右擊之一
又入輒十餘矛韋被數十創短兵接戰賊前搏之韋
雙挾兩賊擊殺之餘賊不敢前韋復前突賊殺數人
創重發瞑目大罵而死賊乃敢前取其頭傳觀之覆
軍就視其軀操退往舞陰聞韋死爲流涕募問取其
喪親自臨哭之遣歸葬襄邑拜子滿爲郎中車駕引

自近文帝卽王位以滿爲都尉賜爵關內侯見三國
志

義烈

唐逸名唐至德三年冬十月尹子奇陷睢陽張巡以下
俱被執士卒當子遺之餘莫不靡然降附時甯陵之
從軍者二十一人見巡之不屈也皆相顧涕泣巡遇
害二十一人死焉昔田橫之歸漢也可以死可以不
死橫之死無謂矣彼五百人者皆自殺以殉君子曰
田橫之客皆義士予其心也睢陽之難饑疲殘創切

其身室家兒女搖其念彼巡之死臣道也宜也二十一人者孰迫之哉忠義之心殷於一感無所顧惜故耳嗚呼臣死君士卒死將皆義之大也天地民彝之真也僞命諸臣甯不泚顙惜也名以微賤不傳又不得與田橫之客類書史簡君子悲之

明吳之秀萬曆丁酉以詩經中式居邑東關唯知閉戶尙誦讀弗輟忽聞賊圍其宅正衣冠坐堂中賊入正色詰之曰國家何負汝汝輩作亂殺人乎賊欲脅之去叱曰我朝廷孝廉肯從汝反耶加以刃罵愈厲遂

重刻甯陵縣志

卷之九 人物

三

死之題贈宛平縣令

徐大成字斗冲幼習儒書志未遂終身爲義館師四方從游者甚眾親死廬墓三年壬午闖寇壓境罵賊不屈而死

雷雲龍字蘇門甯陵諸生也週歲而母亡鞠於叔祖母李氏少長父督之學爲文卽中程度而筆札爲尤工十七應童子試學使者得其卷異之曰此必士之有品者遂拔入庠自是文聲日懋四方從游者甚眾雲龍持身嚴重一衣十八年不渝其初色說書一本

傳註不墮明末支遁荒謬惡習以故多士翕然宗之
辨析疑義一言立剖雖不讀書識字者過其前無不
各厭其意而去性孝友事父母左右順養無違而於
鞠己者報之極其厚諸弟皆秉雲龍學以有成人謂
東京諸名士弗能過也壬午歸德城陷死於兵其隸
人關化歸自賊中云賊獲雲龍時命之跪不屈強仆
之輒起且罵賊遂加刃焉嗚呼其與世之遁避無所
而卒不免者異矣

睢州田蘭芳記

隱逸

明喬宏杞字楫航幼爲諸生厭制藝無益經濟遂入貲
辟雍執經於呂新吾先生門墻肆志博覽於諸子百
家無所不窺如天文律呂字學筭法皆有著述更多
巧思如小戎戰車璇璣玉衡胥能按圖制之凡周禮
所載古制人有讀之不能解者則手畫其圖命工成
器無不如法明季見兵戈漸起復精孫吳家言戰守
樓櫓悉倡邑人備具甯南鄙有土賊段魁吾成囚餘
黨百餘謀劫之夜半城中火起邑令已爲所執闔城

重刻甯陵縣志

卷之九

人物

聖

愴惶錯愕宏杞曰勿懼賊巢在南接應多在南方賊
必劫南門伏兵於此賊可擒也率壯丁廿餘人持利
器伏於門內賊果劫南門生擒賊首段魁吾立斬之
懸首於門復燒燭對奕以鎮之賊失其首果舍令墜
城散去邑賴以安夙從杞縣劉文烈公遊公知之最
悉欲薦於朝遣使偵之卽走京師謁文烈公而借箸
焉見事不可爲及回籍爲鄉梓計而甯已失守因渡
江至金陵聞北都陷拔劍起舞血淚俱下誓不與李
賊共戴天也謀詣史閣部畫守江計陳北征策兄宏

楠屈之聞

國朝定鼎乃喜曰國仇既誅從今可作方外散人矣遂放浪山水間作悲秋吟譜於琴朝夕鼓之以寄意焉
義師

胡長庚字映垣邑增生家饒於貲性好施予嘗出已廩敦聘名儒集邑中才俊士從之受業其間尤貧窶者或資以衣食或助之婚喪人得一意向學所成就者甚眾其表表者如華景昌路史侯屏秦君韓輩皆馳聲藝苑而路之感其玉汝爲獨摯云

重刻寧陵縣志

卷之九

人物

三

路史字直公郡增生住縣南之張弓授經家塾束脯之饋概却不受四方負笈者雲集日爲之提命諄諄俾有成立而後已一時有河汾之目

田簣山先生論曰自先王養士之法廢而州術閭巷間子弟多至廢學斯二先生者或推所有餘以育才或本所自得以造士俾一邑之人彬彬有所興起所及雖狹其亦可以風矣

補遺

國朝呂前應字躬祇戶部主事呂紹棻從姪也爲邑庠

生繩趨矩步惟恐有媿司寇公家法見有親喪未舉者持其父勸孝格言親送其門人或厭其迂弗恤也戶部督餉於秦之蘭州不幸遇變母子俱亡三孤皆幼雙襪不能返故土前應獨引爲己憂至丙午戶部季子前庚舉孝廉前應方幸歸襪有日已而孝廉又死不禁揮涕曰戶部母子骸骨未返前庚旣死我已年近古稀今不爲之計使永爲異鄉之鬼我死何以瞑目遂典田園決意獨往妻孥緩其行不聽其族貴諱振令於山左義其事復助以貲遂策蹇西上山河

間關往返不下七千餘里未及百日而雙襪已歸且移其住室以妥靈經紀喪事俱令成禮族黨義聞於令令欲表厥宅里以樹風聲嚴却曰君子愛人以德何量我之薄也衆強行之令旌其門曰孝展西秦越一年而卒

庠生郭斌性耿介好義俠順治庚子辛丑歲邑被水患里甲借常平倉穀捌百餘石莫能償而推陳出新例應歲報收納雖升斗不容虧逋也斌憂官民交困不去諸懷適雛兒又危於痘疹竟不之恤取妻簪珥

作路費奔顛

撫軍得免追併存倉積儲概行發賑藉以成全者不下千百餘人官民交甦厥功偉焉

重刻甯陵縣志

卷之九

人物

四

貞女

郭國翰之女許配苗衛本將于歸而衛本卒遂以處女終身焉卒年八十餘詳見王璦貞女傳中

學姐王氏生員文清之幼女也許字於族舅成鈞子於勲年十六行將笄而勲死女聞訃色變雖含羞弗敢發聲似有不欲生狀父母往弔囑其嫂伴之但向隅默坐始終不交一語及母歸女欲啟口而止者三母問故默不應問之再四始吞聲曰兒欲過成家候襟母母曰兒雖爲成氏甥實未過門媳也况遭子喪

重刻寧陵縣志

卷之九

人物

聖

去未便女忍淚者久之曰人各有志母不欲成兒志死亦抱恨陡轉身入內室母強之出百計慰之終顰蹙不語如是者累數日遂寢疾自是病益沉形愈毀凡聞議婚者卽泣而詈之父母諭以在家從母之說輒引被覆面嗚咽不已僅踰月竟鬱鬱抱病死死之日問葬所文清言葬於先塋之側女曰兒久字於成門死爲成氏鬼兒志也不歸屍於成氏寃魂無倚必爲厲文清憐之請於成鈞啟勲穴而合葬焉

孝女

明解睿姐年十四同母浣衣海濱誤溺於水女號泣四顧無人卽投水中俄其兄紹武至泅而得之母良久方甦睿死矣其手猶挽母衣掣之始解 諭曰曹娥後二千年來此女不多見耳然當悲所遇之殊至其優劣不可以毫釐較設曹有兄雖漂沒此身無恨也設睿兄不至解女獨不能負母屍出之水上耶心一而遇則殊計其成敗吾知曹娥有餘痛矣

孝婦

曹鍾慧妻胡氏前守備曹鼎臣之家婦鍾慧已歿鼎臣病久不起氏脫簪珥以供湯藥每夜焚香告天願以身代后見病日劇遂割股以療疾果愈闔學具呈縣尹李之驥表其門曰孝格天人

李文彩妻劉氏農家女也不知書鮮姆教歸彩後事翁姑卽以孝稱翁病值天旱祈禱禁屠沽翁思肉無由致也於密處割股作羹以進翁食之疾旋愈竟不詳其爲何處肉外人偵知之一鄉爲之飲泣遂公舉

本縣署邑事開封府督糧廳劉旌其門曰孝光壺範徐震龍妻楊氏貢生徐行儁伯母也姑嘗卧病適夫出氏事湯藥彌謹病益篤乃持齋七日焚香祝天願以身代盡孝盡誠姑得愈內外稱之無間言合學以賢孝聞於官官以德孝貽芳扁其門云

賢母

增生解三俊妻張氏生員正倫全倫之母永宗之祖母也作未亡人數十年積織紝資得錢百千助修文廟復輸白金拾兩增砌藝倫堂又其後諭子姪掄材

百株捐銀二十兩克襄厥成其言曰一門數世俱食
先師之澤情難自已然則解母輸資以云報也嗚呼
誰能食先師之澤者報効者而僅得之解母是可嘆
也是可志也 詳學宮碑記

生員呂紹孔妻王氏生員呂如堦舉人如箎如純之
母生員克讓克孝克諧克允之祖母也孝事翁姑而
曲盡奉養賢撫庶子而愛同已出修祖宗墓碑建考
妣名碣而且出績紡之資施茶湯於夏捨綿襖於冬
種種懿行非尋常婦女所得幾其萬一者闔學呈請

入志宜哉

廩生李文炳妻王氏勤儉有禮雖在閨闈中倡隨相
敬若賓而親戚中有老幼失所者得諸聞見輒嘆息
有求必應無吝色並無德色事翁姑以孝聞嘗值繼
姑賈氏病篤甚醫藥罔效爲割股以進遂瘳比閭族
黨以爲氏誠孝所感公間於官官以賢孝流芳旌其

門二

節婦

明曹漢之妻黃氏年二十五夫卒其子甫一歲黃事
老姑無幼子志節凜然年八十一歲而沒有司奏請
旌表

陳雄之妻李氏貧家嬾也年二十而雄死時有監生
張某富人也求娶之亟李罵曰村奴漫辱人願汝家
世有孀婦任從人求也富者大慚夫死之五月而遺
腹子生撫育之備嘗艱苦年七十八而卒

史書妻王氏其姑趙氏生書而早寡後王氏歸書年
寧陵縣志

卷之九 人物

四九

二十二而書亦死矣無嗣且貧趙以舅姑衰老紡績
供養王亦依趙氏誓無二心人視之若史氏子孫然
值歲饑大水姑婦艱苦萬狀而養生送死莫不盡力
鄉人憐之趙卒年八十五王卒年七十三

史成道妻李氏年二十七而成道死遺孤八月而家
貧無似舅姑生養死葬皆於此婦有賴焉年七十五
而終

解中一之母孟氏中一生八月而父牙死孟氏年二
十九孤誓志年七十二而終

生員曹子方妻宋氏子正一氏兄弟相繼而亡宋氏年二十四無子黃氏年二十六生子甫十月二氏堅持心節各六十歲而終人莫不推其一門雙節焉

陳勇之妻王氏年二十八而勇死氏教幼子奉珪後爲萬泉令年七十六而卒有司表其門曰貞節

郭琰妻劉氏年二十八而寡卒年七十有七撫育二孤人無間言令扁其門曰貞節

廩膳生員王賓妻翟氏賓早故氏方二十一歲孀居

七十餘年壽終九十七歲按院金題疏云節逾六朝壽延百歲於崇禎十一年奉旨建坊曰節壽知縣

孟養浩曰瑤池清潔

國朝童生張鶴妻張氏適鶴一載鶴亡氏年十九撫孤守節八十二載於順治十四年間奉

旨給銀三十兩建節壽坊旌表氏壽登一百一歲節歷八十年無病而逝

生員黃克甲妻赫氏故夫幼盡孝之女年十六適克甲結廬六載克甲病故費力經營年甫三歲氏矢志

苦守子成立旋入學戶
又撫育四孫皆事儒業
於康熙元年奉
六十年至八十二歲卒

肯建坊

國學成功巍妻楊氏太學永年母也二十四歲而寡
時永年僅六歲氏提三尺孤歷艱難險阻中教孤成
立節歷五十載享年七十四歲申准旌表邑令扁其
門曰恩旌苦節

生員成功一妻王氏夫死年十九歲矢志殉節自經

寧陵縣志

卷之九 人物

五

者數家人防之益嚴泣曰苦留未亡人何為終號慟
不食踰月哀毀致命邑令親臨弔奠

太學生呂知柔妻趙氏睢陽名家女夫歿氏廿齡孤
慎習甫週歲矢志堅貞事孀姑以孝聞及習成立受

室入宰深幸宗枋有託未幾習疾卒媳張氏方伯張
一霽之女孫也年方十九姑媳同處一室搯礪金石

垂五十年如一日德安司李呂慎多趙堂姪也額其
堂曰孝慈貞壽後趙七十歲張八十二歲俱以天

年終先趙孀姑張亦以苦
學呈請旌表府縣

申文

院司批候 題獎勵本府 府王第魁表其門曰一
門三節知縣侯國泰表曰三節齊芳

黃名揚妻劉氏劉文學妹也名揚與其弟名臣明季
俱死於難劉氏無所出名臣妻于氏有二子一五齡
一猶在襁褓中竟棄之他適劉氏獨矢志守節抱雙
孤無意乳哺艱苦備歷撫孤成立節經四十六年黃
氏一脈賴以不絕者皆劉氏力也嗟乎劉氏與于氏
同胞妯娌也一棄已子而忘夫一撫從子而延嗣其

寧陵縣志

卷之九 人物

五

賢不肖相去爲何如歟

成衷毅妻徐氏年十九毅死矢以身殉未遂其志因
立嗣撫孤節歷五十餘年壽登古稀而卒

徐尙禹之母胡氏舉人胡定之姑母也其夫久出不
歸氏年甫廿齡栢舟自誓矢志靡他日夜紡績積貲
二十金當重修文廟之日慨然曰此美事也遂罄筭
助之邑令侯國泰義而嘉之守節七十餘年壽歷九
十五歲無疾而終

生員鄒懋忠妻苗氏明 萬司郎中苗思順之

妹生員字杆之母也質端人性至孝夫歿撫孤杆以
慈幃而兼嚴訓和熊畫世也也苦節五十七年壽
躋八十四歲學博彭象升表其門曰畫荻垂芳邑尹
王永亨題其廬曰壽符高行

喬氏三節者姑媳也姑曹氏叅政冢男生員弘鉞之
繼室年十四于歸喬門克盡婦道鉞歿氏方十九欲
以身殉者數家人力勸之因念垂白在堂雙孤未成
立乃栢舟自矢清操彌礪事舅姑以孝育前子以慈
五十年如一日也年屆七十闔學公舉邑令旌其門

寧陵縣志

卷之九

人物

五

曰稀齡冰玉七十歲卒長媳成氏生員爾聰之妻賦
性幽貞結褵十三載聰病故遺孤聳甫十歲立志守
節熊丸課子聳入庠不數年亦以病歿氏復撫其孫
本成立游泮氏年七十闔學具呈本縣縣尹表曰亮
節嵩齡次媳解氏生員爾結之妻邑庠解大倫之女
也幼嫻姆訓年十九止生一女未彌月結病故氏卽
矢志冰霜上事孀姑下撫幼女與姑一室同爨視問
罔缺相依爲命後取堂弟睿仲子時芹爲嗣恩勤
備至如逾已出且訓女如一胞朝夕不離

更以母心師芹已登武利。孀姑病篤氏日侍湯藥。晝夜不懈者五十餘日。美牛之死內外交稱茹荼集蓼艱苦蒲歷四十四載。闔邑公舉縣令旌曰苦節承家六十三歲卒。似此慈孝萃於一門節壽聯承二世。在昔罕聞於今僅見。至康熙三十二年五月內蒙撫憲顧題請奉

旌表各建坊一座

郭民悅妻曹氏武舉郭倬祖母也。二十八歲悅死。曹事翁姑撫遺孤茹荼飲水艱苦備嘗節歷四十九載。

寧陵縣志

卷之九 人物

五

順治十年闔縣公舉邑令給扁旌其門曰貞協三祝。府太守旌曰節壽可風。

補遺

鄉民路起妻栗氏妾魏氏起。亡時無子有女三人皆栗出。魏甫十九歲。煢煢隻影更遭大亂。能始終侍栗左右。後栗沒二十餘年。魏氏至八十餘。完節而終。邑侯劉曾旌其門曰節同松栢其貞風遠被過其門者咸肅然起敬云。

張世案。胡氏年二十。

故撫幼孤其珖方三歲。

其理方 歲後其理入

節六十六年壽至八十

七歲前本府知府潘永圖方山松筠之節知縣賀懋
敬旌曰栢舟熊鼎儒學諱程旌曰栢節熊堯

符從先妻曹氏武舉符遐福母也夫死氏方二十四
歲踰月遐福始生氏下撫遺孤教養成立上事孀姑
艱辛盡歷然氏之得以遂志者其姑呂氏之力居多
故姑亦推賢母焉

生員張令聞妻馮氏生員張中興之祖母也幼年孀
居撫孤治家內外嚴肅前崇禎間邑令閻閔旌曰雅

寧陵縣志

卷之九

人物

五

操冰清與母王氏年十四適張應試于歸僅二年生

子與甫二十七日而應試死兩世孀孤伶仃殊甚其

母婉諭以他適王正色曰垂白在堂黃口在抱兒安

忍捐棄偷生以辱姑與夫乎堅不可奪辛苦備歷守

節七十餘年邑尹李之驥以奇操喻軸表之與妻楊

氏壬午寇亂與夫訣曰子無以我爲念倘不測誓以

死殉斷不負子也及爲寇所迫遂投井死數年之後

其家人啟骨營葬心猶一也噫亦奇矣

王應元一妾唐氏本 嘗崇禎十三年大荒氏

年十七三隨在父母一 僅九歲丐食於寧陵之
來遠鄉父欲鬻幼子以一 氏曰父母年老止有此
息倘涉他故且奈何不如賣兒以所得救數日庶乎
兩全其父垂涕而勉從之遂與王應元爲妾數日賴
以存活氏事夫順夫歿而事長婦以敬逮長婦歿而
氏苦憊極矣犖犖靡依衣食維艱有勸之他適者輒
峻却之於順治十八年水漂廬舍奸人欲奪其操氏
乃抵死嚴拒大罵不食而死里人憐其苦爰醵金葬
於城南之望雲臺過者無不哀之

寧陵縣志

卷之九

人物

五

趙心明妻徐氏適心生子再普僅七月而心死氏年
方二十二遂欲自經以殉其姑見而救之諄諄以撫
孤爲解氏勉強應命迨三年普能飲食行步矣值心
三週之期氏臨墓號哭慘動行路其母與姊念其貧
無所養勸令別適氏艷然而歸與其姑言笑若平時
至夜半姑聞孤子尋母聲甚亟啟戶視之氏已縊於
葫蘆棚下竟不知死時矣

烈婦

舉人黃嘉猷之妻李氏。嘉猷薦於鄉而卒，李痛悼，不食，親識者知其必死也。百計勸之，李佯許諾。既三日，縊於柩側。有司以聞，詔扁其門，建祠祀之。

監生喬文光之妻解氏，光病革，氏卽以死許之。光卒，果自盡。有司上其事，詔以貞烈旌表之，且建祠焉。及氏歸窆之，先一日，邑令石陞之母夜夢有婦告曰：「予喬烈婦也，明日葬於城北之大路旁，其地不善，乞別遷之。」寤以白陞，陞偶忘達，旦胥役稟陞送喬烈婦喪。陞因述母夜夢急止之，而雙棺已出郭矣。遂負所請，陞作詩悼之。

寧陵縣志

卷之九

人物

五七

張守孝妻曹氏，其夫死，遂自縊以殉之。初，守孝之疾也，曹廢食者數日，涕泗無時。夫憐之，曰：「吾不能偕汝老矣。」對曰：「君果不相待，我請偕之。」旣而守孝死，曹哭之盡哀，乃靚妝拜其舅姑及母兄，爲永訣語。左右編麻以待，曹曰：「吾不能爲死者服，願以膏沐事張郎於地下，竟不易辭而死。」

韓氏之妻華氏生一

者，總四歲而強死。韓族屬

雖衆無可依者乃抱

曰天喪吾家吾不能與

兒共人世矣隣婦勸之曰
共母曰如二孤何泣曰
更切切割我心然不處良人後姑遂吾志耳廼裂靈
幃自縊而死

宋四知之妻王氏夫卒無子卽日自縊惜居心孤僻
無能道其詳者

焦廷美邑之傭夫也妻孫氏紡織養舅幾不能自存
廷美疾孫賣衣以需湯藥竟不治孫每哭瀕死勸之
者曰爾憂無依耶卽不擇人而事亦不失如爾夫者

寧陵縣志

卷之九 人物

五十六

孫曰我所天也雖富貴吾何與焉明日舅欲嫁之以
具喪孫聞而自縊時謁廟日士過其門者無不掩泣
縣尹楊公率士大夫奠其家因表墓於道

張亶妻桃園趙棋之義女也夫婦佃人之田而貧甚
亶疾氏傭佐湯藥人不堪其勤苦止一女一日召婿
翁而付之人莫測其故亶死哭極哀比隣皆爲流涕
不相舂杵旣而倒敝囊易二柳棺斂夫之夕遂縊而
死居入墓之至今稱爲烈節塚云

生員 憑翼妻管氏

生員 管九合之妹今山西

大同府山陰令翟苞

山性貞淑寡言笑孝謹慈

和克勤克儉相夫成家教子闔邑稱之崇禎十

五年逆闖東犯城皆守家人僉避難氏語夫曰賊

勢甚盛避將何之吾決意一死君携子往勿以我為

念子女環泣不忍去未幾寇陷城流亡載道夫與子

俱失散氏即入室為投環計門甫閉而寇至奮刃劈

其門怒索金珠氏大罵逆賊焉敢無狀迎刃受傷比

一死罵不絕口順治十二年學校公舉三院詳允候題

旌表

寧陵縣志

卷之九 人物

五九

巡撫賈公漢復扁曰貞烈女士

曹有讓妻張氏流寇破城夫投井死張氏誓不獨生

旋投井死康熙五年旌表

生員曹有璋妻喬氏明末城陷遇賊輒投井中水僅

及膝以頭入泥而死

督撫賈表曰貞烈康熙五年奉文旌獎

儒學張玠妻喬氏並未嫁女張氏於崇禎十五年三

月二十三日流寇破城平遺孤逃竄空林恐為賊

辱一母一女俱投繯可

崇禎十五年旌表

耆民中邦信幼媳宋氏方 永禎十三年十一月二十
八日逆賊蠡擁大肆搶掠 被獲不屈而死康熙五
年旌表

武舉解士元妻張氏年十九姑病而割股和羹姑歿
而泪盡殞生三院具題旌其門曰天成純孝噫割股
猶癡情也殉死則純心矣蒙

院批候會題

生員鄭惟一妾胡氏十四歲卽事惟一至十八惟一
病囑家人口胡氏事我已經四載小心無過其年尙

寧陵縣志

卷之九

人物

李

幼我死宜擇一良人遣之氏聞之悲泣不自勝語家
人曰未死先囑遣我何待我之薄也主君非知我者
因悲泣不已家人慰之次日惟一卽易簀哭亦不甚
哀窺其意若有所爲者三日設祭奠闔家男女環哭
於寢祭畢獨不見氏急踪之已經於內室矣賀令弔
臨旌曰貞烈

苗恒昇妻陳氏睢州生員陳逢太女也昇病故氏志
期同穴翁姑父母勸之下之一七之夕自縊柩前闔
邑公與本縣申請兩院給 旌旌曰烈邁栢舟

生員高標妻王氏名家也天性純謹事舅姑以孝聞後舅姑塗殞在堂值崇禎壬午闖寇陷城闔邑避難家人勸之逃氏曰不忍舍舅姑之骸而求生也寇至索金寶氏曰吾貧家婦那得有此賊以刃脅之遂厲聲罵賊曰吾正欲死得事舅姑於地下足矣死不爲屈

國朝鄉民王國臣妻胡氏十五適國臣五載而國臣死氏悲慟哀號聲徹里巷勺水不入口者三日翁姑勸慰不荅而氏已默有定志矣越明日殮畢夜經柩前時

寧陵縣志

卷之九 人物

李

康熙九年二月初十日也李令旌以扁曰烈高懷清且挽之以歌歌曰女雖著烈坤德貞芳姜舟栢巴婦懷清甫蒞露嶺風俗和平維彼胡氏髫年閨英斷指封髮就義亡生丹穴兆夢黃鵠歌橫千秋不朽萬世垂名鄉族嘉其節烈且憐其貧窶爭相贖金買石豎墓墓在邑東南十里暢家店

鄉民張鐸妻荀氏考城荀中益女也身遭強暴死不辱節時方溽暑經月於棺面色如生邑人爭訟其寔事白復爭買石磚於墓旁

呂五常妻卍氏年二十而五常死時翁姑止此一子闔門哀慟號泣竟三日不舉火至日暮氏勉強忍泪作湯二碗進於翁姑仍涕泗不食氏跪而勸曰雙親年已老矣不幸遭此慘痛不食且三日倘致殞生兒之不孝罪通於天矣氏見翁姑舉箸始起入厨中復進二碗命氏食乃言厨尚有餘去翁姑意氏入厨中進食矣飲湯畢呼氏不應急尋之已縊於五常柩側

生員魯宗周妻呂氏自幼習其祖司寇公坤所著女

寧陵縣志

卷之九

人物

全

範諸書歸數年而宗周死氏年二十四卽欲以身殉勸者以遺孤在腹解之凡兩月果生一男子然哀號哭泣刻無止息閱二年卽卒或者謂其過哀之所致有傳

按人物志貞孝節烈之事盛於閨閣詳核之有坊以表者有祠以祀者有請之

上憲而咸加旌獎者或有一二未經詳請而鄉閭之士大夫歌咏留題又不一而足嗚呼以巾幗之姿一日矢志終身不易其操一

非有所勉強於其間顧其真率之性發於所不自已也夫海枯石爛難消千古其魂取義成仁總是兩端正氣綱常留之小網中矣豈獨可陌上之芳塵留之舟之嫠婦已哉